



Vestland
fylkeskommune

SAMARBEIDSAVTALE

LOKALE- OG ANLÆGSFONDEN OG VESTLAND FYLKESKOMMUNE 2021-2023

Nyskapande aktivitetsanlegg

1. Innleiing

Avtale for samarbeid mellom Lokale- og Anlægsfonden (LOA) og Vestland fylkeskommune (VLFK) gjeldande for perioden 1. januar 2021 til 31. desember 2023. Det har fram til 31.12.2020 eksistert ein intensjonsavtale sidan 20. september 2019. I denne perioden har samarbeidet med LOA gitt nyttige erfaringar til anleggsutviklinga i Vestland.

I første fase av samarbeidet har det vore oppstart av fire pilotprosjekt. Grunna pandemien har det vore vanskeleg å jobbe med desse prosjekta på ein ønska måte, og arbeidet har tatt eir tid enn først tenkt. Arbeidet med pilotprosjekta har avdekket behov for ytterlegare kunnskapsgrunnlag, prosesskompetanse (arkitekt med rett kompetanse) og bidrag til investering i infrastruktur som ikkje vert dekket gjennom spelemiddelordninga. Oppfølging av desse prosjekta har gitt nyttig kunnskap til modellutviklinga og i utarbeiding av prosjektplan som ligg til grunn for samarbeidsavtalen for perioden 2021–23.

LOA ein sjølvstende institusjon, kompetanseformidlar og utviklingsfond i Kulturministeriet i Danmark sin regi. LOA vart etablert i 1994. Dei utviklar og rådgir byggeprosjekt og fysiske anlegg innan idretts-, friluftsliv- og kulturlivet. Dei er «*sat i verden for skape fremtidens mødesteder, der er tilgjengelige, giver mening og sætter spor*».

Vestland fylkeskommune (VLFK) ønsker at det vert lagt til rette for fleire nyskapande og innovative aktivitetsanlegg. Dette er forankra i *Anleggspolitikk for Vestland fylkeskommune 2020-2024*.

Utgangspunktet skal vere lokalmiljøet sine behov innan fysisk aktivitet og idrett, basert på eit breitt kunnskapsgrunnlag og berekraftige løysingar. I prosessen må det vere eit breitt lokalt engasjement frå ulike brukargrupper (frå frivillig og offentleg sektor). På denne måten kan det skapast attraktive møteplassar i lokalsamfunnet som er nyskapande i funksjon, organisering og aktivitetar, med ein arkitektur av høg standard. Kontakt mellom ulike aktivitetar kan gi eit mangfald av val av aktivitetsform. Såleis vil ein kunne utbetre eksisterande tilbod, dekke uoppfylte behov og skape åtferdsending i befolkninga.

2. Mål og innsatsområder

VLFK vil saman med LOA og andre aktørar legge til rette for tiltak som kan stimulere til utvikling og bygging av nyskapande aktivitetsarenaer i kommunane. Verdiar, kunnskap og form er tre grunnpilarar i arbeidet. Utvalde prosjekt innafor innsatsområda vil få støtte til å gjennomføre gode medverknadsprosessar og til anleggsbygginga. Prosessen skal vere verdiskapande i seg sjølv og prosjekta skal fungere som endringsagentar både når det gjeld bygging og bruk av areala.

Målet er å få fram anlegg av utviklende karakter med høg funksjonell kvalitet og ei utforming som kan inspirere den framtidige utviklinga av aktivitetsanlegg for idrett, kultur og fritid lokalt, regionalt og nasjonalt. Vellukka prosjekt kan inkluderast i www.godeidrettsanlegg.no

Det er to aktuelle innsatsområde:

- Attraktive, heilskaplege skuleområde
- Innovative idretts-/ aktivitetshallar

3. Varigheit

Samarbeidsavtalen gjeld frå 1. januar 2021 til 31. desember 2023.

4. Organisering

VLFK er prosjekteigar, og ein prosjektleiar har ansvar for å koordinere dei ulike delprosjekta. Anleggsrådgjevar med ansvar for dei einskilde kommunane føl prosessane tett for kompetansebygging/overføring. Tilsette i LOA bidreg med spisskompetanse ut frå behova i dei ulike prosjekta.

Det vert etablert ei styringsgruppe med representantar frå VLFK, Vestland idrettskrets, LOA og ev. private aktørar som er med å finansiere prosjektet. Styringsgruppa møtes to til fire gonger i året. VLFK fungerer som sekretær for styringsgruppa. Styringsgruppa godkjenner utlysingar og har det overordna ansvar for økonomi og resultat. VLFK tek i mot søknadar og tek fyrste behandling av søknadane.

Representantar frå ulike fagmiljø vert invitert til å delta i ei ressursgruppe som kan bidra i dei ulike prosjekta, m.a. Tverga, Universitetet i Bergen, Høgskulen på Vestlandet og Idrettsklynge Vest. Dette gjeld m.a. behandling av søknadar, rettleiing og FoU.

Det vert etablert ei arbeidsgruppe for kvart delprosjekt. Arbeidsgruppa skal vere breitt samansett av lokale aktørar, i tillegg til representant frå VLFK og LOA. Ressursgruppa vert kopla på ved behov. Kwart prosjekt skal ha lokal tyding og ha nasjonal relevans, og vere berekraftig både sosialt, miljømessig og økonomisk.

5. Økonomi

Samarbeidet vert finansiert gjennom midlar frå fylkeskommunen og private aktørar. LOA fakturerer VLFK for dei faktiske kostnadane ved å bruke deira kompetanse i perioden for avtalen.

Tilskot til anlegg kan få støtte gjennom spelemidlar til anlegg for idrett og fysisk aktivitet, Kulturdepartementet si tilskotsordning for nyskapande aktivitetsarenaer (gjeldande ut 2021), private tilskotsordningar og investeringstilskot frå prosjektet nyskapande aktivitetsarena.

VLFK har innleia samtalar med ein privat aktør og har fått positive signal til å sende ein søknad om støtte til arbeidet for 2020 og for perioden 2021-2023.

6. Oppseiing

Ved vesentleg misleghald kan begge partar skriftleg seie opp avtalen med umiddelbar verknad. Før avtalen vert heva, skal det verte gjennomført drøftingsmøte.

Stad/dato

Stad/dato

Per Morten Ekerhovd
Vestland fylkeskommune

Esben Danielsen
Lokale- og anlægsfonden